

Toshkent Davlat tibbiyot universitetining ko'p tarmoqli klinikasi faoliyatida korrupsiyaviy xavf-xatarlarni aniqlash va baholash

USLUBIYOTI

Mazkur Uslubiyot Toshkent Davlat tibbiyot universitetining ko'p tarmoqli klinikasining (bundan buyon matnda Klinika deb yuritiladi) faoliyatida korrupsiyaviy xavf-xatarlarni aniqlash va baholash tartibini belgilaydi.

I-bob. Umumiy qoidalar.

1. Klinikaning faoliyatidagi korrupsiyaviy xavf-xatarlarni aniqlash va baholashning maqsadlari quyidagilardan iborat:

- Klinikaning korrupsiyaviy xavf-xatarga eng ko'p duch keladigan vazifa va funksiyalarini aniqlash hamda korrupsiyaviy xavf-xatar yuqori bo'lgan lavozimlar ro'yxatini shakllantirish;

- korrupsiyaviy xavf-xatarlarni bartaraf etish bo'yicha chora-tadbirlarni ishlab chiqish.

2. Korrupsiyaviy xavf-xatarlarni aniqlash va baholash quyidagilar ishlab chiqilishini nazarda tutadi:

- korrupsiyaviy xavf-xatarlar xaritasi;

- korrupsiyaga qarshi kurashish bo'yicha dastur;

- korrupsiyaviy xavf-xatar yuqori bo'lgan lavozimlar ro'yxati;

- korrupsiyaga moyil bo'lgan munosabatlar elektron reestri.

3. Ushbu Uslubiyotda quyidagi asosiy tushunchalar qo'llaniladi: **korrupsiyaviy xavf-xatar** – davlat xizmatchisining o'z mansab yoki xizmat mavqeidan shaxsiy manfaatlarini yoxud o'zga shaxslarning manfaatlarini ko'zlab moddiy yoki nomoddiy naf olish maqsadida qonunga xilof ravishda mavjud sabab va sharoitlarda korrupsiyaviy xatti-harakatlarni sodir etish ehtimoli;

korrupsiyaviy xavf-xatarlar xaritasi - Klinika faoliyatida amalga oshiriladigan vazifa va funksiyalar (*jarayonlar*) bilan bog'liq yuzaga kelishi mumkin bo'lgan korrupsiyaviy xavf-xatarning tavsifi va darajasi, funksiyalarni (*jarayonlar*) tartibga soluvchi mexanizmlar, funksiyalarni (*jarayonlar*) amalga oshirishga masul bo'lgan lavozim, korrupsiyaviy xavf-xatarlarni bartaraf etish choralari, qoldiq korrupsiyaviy xavf-

xatar darajasi, korrupsiyaviy xavf-xatarni bartaraf etish choralarini amalga oshirishga masul ijrochilarni o‘z ichiga olgan hujjat;

korrupsiyaga oid huquqbuzarlik - korrupsiya alomatlariga ega bo‘lgan, sodir etilganligi uchun qonunchilikda javobgarlik nazarda tutilgan qilmish;

korrupsiyaviy xavf-xatarlarni baholash - Klinikaning faoliyatini (*vazifa va funksiyalarini*) tahlil qilish, mavjud korrupsiyaviy xavf-xatarlarni aniqlash va ushbu xavf-xatarlar darajasini baholash bo‘yicha faoliyat;

qoldiq xavf-xatar - aniqlangan korrupsiyaviy xavf-xatarni bartaraf etish yuzasidan belgilangan choradan keyin saqlanib qoladigan xavf-xatar;

maxsus bo‘linma – Korrupsiyaga qarshi ichki nazorat bo‘limi;

ishchi guruh – Klinika korrupsiyaviy xavf-xatarlarni baholash uchun tuziladigan xodimlar tarkibi.

4. Klinika tomonidan korrupsiyaviy xavf-xatarlarni baholash «E-anticor.uz» elektron platformasi orqali har yili 1-martga qadar amalga oshiriladi.

5. O‘zbekiston Respublikasi Korrupsiyaga qarshi kurashish agentligi tomonidan (*bundan buyon matnda Agentlik deb yuritiladi*) Klinikaning korrupsiyaviy xavf-xatarlarni baholash va bartaraf etish borasidagi faoliyatini takomillashtirish, ushbu yunalishda kamchiliklarning oldini olish bo‘yicha ko‘rsatmalar berilishi mumkin.

2-bob. Korrupsiyaviy xavf-xatarlarni aniqlash va baholashni tashkil etish.

6. Korrupsiyaviy xavf-xatarlarni aniqlash va baholash klinikaning markaziy apparati barcha bo‘limlarini qamrab olishi lozim. Bunda, korrupsiyaviy xavf-xatarlarni aniqlash va baholash maxsus bo‘linma yoki Ishchi guruh tomonidan amalga oshiriladi.

7. Ishchi guruh azolari klinikaning tarkibiy bo‘limlari masul xodimlaridan iborat tarkibda tashkil etiladi. Bosh shmfokor tomonidan buyruq bilan Ishchi guruh tarkibi tasdiqlanadi hamda uning faoliyati muvofiqlashtiriladi.

8. Korrupsiyaviy xavf-xatarlarni aniqlash va baholashda klinika ma‘muriyatining Ishchi guruh tomonidan quyidagi vazifalar amalga oshiriladi:

- korrupsiyaviy xavf-xatarlarni aniqlash va baholash bo‘yicha ishlarni tashkil etish va muvofiqlashtirish;

- Klinikaning korrupsiyaviy xavf-xatarlar xaritasini ishlab chiqish;

- Klinikaning korrupsiyaga qarshi kurashish bo‘yicha dastur loyihasini ishlab chiqish;

- Klinikaning korrupsiyaviy xavf-xatarlar xaritasi va korrupsiyaga qarshi kurashish bo‘yicha dastur loyihalarini ko‘rib chiqish va ularni takomillashtirish yuzasidan takliflar berish;

- Agentlik va jamoatchilik tomonidan berilgan takliflar asosida davlat tashkilotining korrupsiyaviy xavf-xatarlar xaritasini va korrupsiyaga qarshi kurashish bo'yicha dastur loyihasini takomillashtirish.

9. Klinikaning Korrupsiyaga qarshi ichki nazorat bo'limi quyidagi vazifalarni amalga oshiradi:

- korrupsiyaviy xavf-xatarlarni aniqlash va baholash ishlarini tashkil etish;
- korrupsiyaviy xavf-xatarlar xaritasini va korrupsiyaga qarshi kurashish bo'yicha dastur loyihalarini ko'rib chiqish;
- «E-anticor.uz» elektron platformasiga korrupsiyaviy xavf-xatarlarni va korrupsiyaga qarshi kurashish bo'yicha dasturini joylashtirish.

3-bob. Korrupsiyaviy xavf-xatarlarni aniqlash va baholash tartibi.

10. Ishchi guruh tomonidan klinika barcha bulim faoliyatining (*vazifa va funksiyalarining*) tavsifi ushbu Uslubiyotning 1-ilovasiga muvofiq shaklda tuziladi.

11. Klinikaning faoliyatidagi (*vazifa va funksiyalardagi*) korrupsiyaviy xavf-xatarlar ichki va tashqi axborot manbalari asosida aniqlanadi.

12. Ichki axborot manbalari quyidagilardan iborat:

- Klinika faoliyatining (*vazifa va funksiyalarining*) huquqiy asosi;
- ichki tekshiruv materiallari, shu jumladan xizmat tekshiruvi materiallari;
- o'dob-axloq komissiyasi majlislarining yig'ilish bayonnomalari;
- korrupsiyaga qarshi kurashish ishlarining monitoring natijalari;
- Ishchi guruh tomonidan klinika faoliyati (*vazifa va funksiyalari*) yuzasidan o'tkazilgan so'rovnomalar, shu jumladan sotsiologik tadqiqotlar natijalari va boshqalar.

13. Tashqi axborot manbalari quyidagilardan iborat:

- Klinika faoliyati to'g'risidagi huquqbuzarliklar to'g'risidagi murojaatlar, OAVdagi xabarlar va statistik malumotlar;
- Agentlik yoki boshqa davlat tashkilotlari tomonidan davlat tashkiloti faoliyati (*vazifa va funksiyalari*) yuzasidan o'tkazilgan so'rovnomalar, shu jumladan sotsiologik tadqiqotlar natijalari;
- huquqni muhofaza qiluvchi organlar tomonidan taqdim etilgan materiallar va boshqalar.

14. Ishchi guruh klinikaning faoliyatidagi (*vazifa va funksiyalaridagi*) korrupsiyaviy xavf-xatarlarni aniqlashda quyidagi holatlar tahlil qilinishi lozim:

- Klinika xodimi tomonidan sodir etilgan korrupsiyaga oid huquqbuzarlik;

- Klinika tomonidan faoliyatini (*vazifa va funksiyalarini*) amalga oshirishda jismoniy va yuridik shaxslar uchun suniy to'siqlarning mavjudligi;
- o'z vaqtida qaror qabul qilmaslik, asossiz tezkor tartibda qaror qabul qilish;
- hujjatlar, elektron malumotlar bazalariga bila turib yolg'on malumotlarning kiritilishi;
- xizmat vakolatlarini amalga oshirishda manfaatlar to'qnashuvi;
- vakolatlarni amalga oshirishda mahalliychilik, homiylik, urug'-aymoqchilik kabi holatlarning mavjudligi.

15. Klinika faoliyatidagi (*vazifa va funksiyalaridagi*) korrupsiyaviy xavf-xatarlarning darajasi quyidagi o'lchovlarda baholanadi:

- Past;
- O'rta;
- Yuqori.

16. Ishchi guruh tomonidan korrupsiyaviy xavf-xatar darajasiga baho berish mazkur Uslubiyotning 2-ilovasidagi mezonlar asosida amalga oshirilishi mumkin. Shu bilan birga, «E-anticor.uz» elektron platformasidagi chek-listni to'ldirish orqali malum bir vazifa va funksiyalaridagi korrupsiyaviy xavf-xatarlarning darajasi avtomatik belgilanadi.

4-bob. Korrupsiyaviy xavf-xatarlarning darajasini bartaraf etish choralari.

17. Korrupsiyaviy xavf-xatarlarni bartaraf etish choralari quyidagi shakllarda amalga oshirilishi mumkin:

- normativ-huquqiy hujjatlar hamda ichki idoraviy hujjatlar loyihalarini ishlab chiqish;
- inson omilini qisqartirish va davlat tashkiloti faoliyatini (*vazifa va funksiyalarini*) raqamlashtirish, shaffoflikni taminlash, jamoatchilik nazoratini qo'yish;
- Klinika faoliyatini (*vazifa va funksiyalarini*) tartibga solish choralari ko'rish;
- Klinika xodimlari va jismoniy shaxslar o'rtasida to'g'ridan-to'g'ri aloqani maksimal darajada cheklash;
- rasmiy veb-sayt va boshqa ommaviy axborot vositalarida klinika tomonidan amalga oshirilayotgan davlat xaridlari to'g'risidagi malumotlarni joylashtirish va tarqatish;
- davlat xizmatlarini ko'rsatish jarayonini soddalashtirish, asossiz cheklovlarni, ortiqcha mamuriy tartib-taomillarni bekor qilish, byurokratik tartibga solish mexanizmlarini yo'q qilish, taqdim etilgan hujjatlar soni va qaror qabul qilish muddatlarini qisqartirish;

- Klinika tomonidan korrupsiyaga qarshi kurashishga qaratilgan tushuntirish ishlarini amalga oshirish, profilaktik suhbatlar o'tkazish, ishonch telefonlari va aloqa kanallarida targ'ibot ishlarini amalga oshirish;

- xodimlarning korrupsiyaga qarshi kurashish va manfaatlar to'qnashuvini boshqarish bo'yicha ichki hujjatlarga har kuni, o'zaro va to'liq rioya qilishlarini nazorat qilish. Klinika korrupsiyaviy xavf-xatarlarni bartaraf etish bo'yicha qonunchilik hujjatlariga zid bo'lmagan boshqa chora-tadbirlarni ham amalga oshirishi mumkin.

18. Korrupsiyaviy xavf-xatarlarni bartaraf etish bo'yicha mazkur Uslubiyotning 16-bandida belgilangan choralardan kelib chiqib, qoldiq xavf-xatar darajasini baholash mazkur Uslubiyotning 2-ilovasidagi mezonlar asosida amalga oshiriladi va «E-anticor.uz» elektron platformasida bu qayd etiladi.

19. Klinika markaziy apparatining Ishchi guruhi tomonidan mazkur Uslubiyotning 3-ilovasiga muvofiq shaklda markaziy apparatning korrupsiyaviy xavf-xatarlar xaritasi loyihasi ishlab chiqiladi «E-anticor.uz» elektron platformasiga yuklanadi.

20. Klinikaning tizimosti korxonalari tomonidan ushbu Uslubiyotning 3-ilovasiga muvofiq shaklda korrupsiyaviy xavf-xatarlar xarita loyihalari va mazkur Uslubiyotning 4-ilovasiga muvofiq shaklda korrupsiyaga qarshi kurashish bo'yicha dastur loyihalarini ishlab chiqiladi va shu tashkilotdagi Ishchi guruhiga ko'rib chiqish uchun taqdim qilinadi.

21. Klinikaning Ishchi guruhi tomonidan klinika faoliyatidagi (*vazifa va funksiyalaridagi*) korrupsiyaviy xavf-xatarlarni aniqlash va baholash natijalari asosida klinikaning umumlashtirilgan korrupsiyaviy xavf-xatarlar xaritasi ishlab chiqiladi va «E-anticor.uz» elektron platformasiga har yili 1-fevralga qadar kiritiladi.

22. Klinika markaziy apparatining Ishchi guruhi tomonidan «E-anticor.uz» elektron platformasida joylashtirilgan korrupsiyaviy xavf-xatarlar xaritasiga asosan avtomatik ravishda quyidagi xujjatlar shakllantiriladi:

- Klinikaning korrupsiyaga qarshi kurashish bo'yicha dasturi;

- Klinikaning korrupsiyaviy xavf-xatari yuqori bo'lgan lavozimlari ro'yxati.

5-bob. Korrupsiyaga moyil bo'lgan munosabatlar elektron reestrini shakllantirish va yuritish tartibi.

23. Agentlik tomonidan «E-anticor.uz» elektron platformasida joylashtirilgan klinikaning korrupsiyaviy xavf-xatarlar xarita loyihalari asosida avtomatik ravishda korrupsiyaga moyil bo'lgan munosabatlar elektron reestri shakllantiriladi.

24. Korrupsiyaga moyil bo'lgan munosabatlar elektron reestri loyihasi Agentlik tomonidan jamoatchilik muhokamasidan o'tkazish uchun o'n besh kundan kam bo'lmagan muddatga «E-anticor.uz» veb-saytiga joylashtiriladi.

25. Agentlik jamoatchilik muhokamasi natijalari bo'yicha umumlashtirilgan takliflarni muhokama yakunlangan kundan boshlab o'n kun ichida «E-anticor.uz» elektron platformasi orqali davlat tashkilotiga yuboradi.

26. Klinika markaziy apparatining Ishchi guruhi Agentlik va jamoatchilik tomonidan berilgan takliflar asosida klinikaning korrupsiyaviy xavf-xatarlar xaritasi hamda korrupsiyaga qarshi kurashish bo'yicha dasturi loyihalarini takomillashtiradi.

27. Klinika har yili 1-martga qadar korrupsiyaviy xavf- xatarlar xaritasi hamda korrupsiyaga qarshi kurashish bo'yicha dasturini elektron imzo orqali «E-anticor.uz» elektron platformasi orqali tasdiqlaydi.

6-bob. Yakuniy qoidalar.

28. Ushbu Uslubiyot O'zbekiston Respublikasi qonunchiligi o'zgargan taqdirda yoki klinikaning korrupsiyaviy xavf-xatarlar xaritasini tuzish jarayonini takomillashtirish zarurati tug'ilganda qayta ko'rib chiqilishi va o'zgartirilishi lozim.

29. Mazkur Uslubiyot talablari buzilishida aybdor bo'lgan shaxslar qonunchilik hujjatlarida belgilangan tartibda javobgar bo'ladi.

*Toshkent Davlat tibbiyot
universitetining ko'p tarmoqli
klinikasini faoliyatida korrupsiyaviy
xavf-xatarlarni aniqlash va baholash
Uslubiyotiga 1-ILOVA*

Klinika faoliyatining (vazifa va funksiyalarining)

TAVSIFI

[illegible]

Korrupsiyaviy xavf-xatar darajasiga baho berish bo'yicha

MEZONLAR

Korrupsiyaviy xavf- xatar darajasi	Mezonlar
Yuqori*	Klinika faoliyati (vazifa va funksiyasi) avtomatlashtirilmagan
	Klinika faoliyati (vazifa va funksiyasi) tartibga solinmagan
	Nazoratsiz tartibda ish joyida jismoniy ёki yuridik shaxslar bilan to'g'ridan-to'g'ri aloqa qilish imkoniyati mavjud
	Klinika faoliyati (vazifa va funksiya) doirasida qarorni loyihasini tayёрlashda, ko'rib chiqishda va qabul qilishda bir shaxs ishtirok etishi
	Klinika faoliyatini (vazifa va funksiyani) bajarishda korrupsiyaviy xatti - harakat sodir etilgan (jinoyat sodir etilganligi sud tomonidan tasdiqlangan)
O'rta	Klinika faoliyati (vazifa va funksiyasi) qisman avtomatlashtirilgan
	Klinika faoliyati (vazifa va funksiyasi) qisman tartibga solingan
	Nazorat tartibida ish joyida jismoniy yoki yuridik shaxslar bilan to'g'ridan to'g'ri aloqa qilish imkoniyati mavjud
	Klinika faoliyatini (vazifa va funksiyani) doirasida qarorni loyihasini tayyorlashda, ko'rib chiqishda va qabul qilishda ikkita shaxs ishtirok etishi
	Klinika faoliyati (vazifa va funksiyasi) bajarishda korrupsiyaviy xatti harakat sodir etilganligi to'g'risidagi malumot mavjud (jinoyat sodir etilganligi sud tomonidan tasdiqlanmagan)
Past	Klinika faoliyati (vazifa va funksiyasi) to'liq avtomatlashtirilgan
	Klinika faoliyati (vazifa va funksiyasi) to'liq tartibga solingan
	jismoniy yoki yuridik shaxslar bilan to'g'ridan-to'g'ri aloqa qilish imkoniyati mavjud emas
	Klinika faoliyati (vazifa va funksiyasi) doirasida qarorni loyihasini tayyorlashda, ko'rib chiqishda va qabul qilishda uch va undan ortiq shaxs ishtirok etishi
	korrupsiyaviy xatti-harakat va korrupsiyaviy xatti-harakat sodir etilganligi to'g'risidagi malumotlar mavjud emas

Toshkent Davlat tibbiyot
universitetining ko‘p tarmoqli klinikasini
faoliyatida korrupsiyaviy xavf-xatarlarni aniqlash
va baholash Uslubiyotiga 3-ILOVA

“TASDIQLAYMAN”
Toshkent Davlat tibbiyot universitetining ko‘p
tarmoqli klinikasi Bosh shifokori, Tibbiyot
fanlari doktori

_____D.A.Rustamova
“ ____ ” _____ 2025y.

Klinika foliyatidagi korrupsiyaviy xavf-xatarlarning

XARITASI

T/r	Korrupsiyaviy xavf-xatarning gavsifi	Korrupsiyaviy xavf-xatarning darajasi (<i>past, o‘rta, yuqori</i>)	Funksiyalarni (<i>jarayonlarni</i>) amalga oshirishga masul bo‘lgan lavozim	Funksiyalarni (<i>jarayonlarni</i>) tartibga soluvchi mexanizm	Korrupsiyaviy xavf- xatarlarni bartaraf etish choralari	Qoldiq korrupsiyaviy xavf-xatar darajasi (<i>past, o‘rta, yuqori</i>)	Masul ijrochilar
	1. Tarkibiy bo‘linmaning nomi*						
1	1. Bo‘lim funksiyasi nomi						
	1. Funksiyaga oid munosabat nomi						
	1.Jarayon nomi						
	2. Jarayon nomi						
	2. Tarkibiy bo‘linmaning nomi*						
2	1. Bo‘lim funksiyasi nomi						

	1. Funksiyaga oid munosabat nomi						
	1. Jarayon nomi						
	2. Jarayon nomi						

Klinikaning korrupsiyaga qarshi kurashish

DASTURI

T/r	Korrupsiyaviy xavf-xatarlarni bartaraf etish chora-tadbirlari	Amalga oshirish mexanizmi	Ijro muddati	Ijro uchun masullar
1				
2				
3				